



Na osnovu člana 10. i 136. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10 i 42/12) i člana 8. stav (1) Pravilnika o prijemu u vojnu službu („Službeni glasnik BiH“, broj: 57/14), u skladu sa Odlukom Ministarstva odbrane, broj:10-34-1-1853-5/15 od 04.09.2015. godine, a u cilju popune upražnjenih formacijskih mjesta u Oružanim snagama Bosne i Hercegovine, Ministarstvo odbrane Bosne i Hercegovine, Hamdije Kreševljakovića broj: 98, 71000 Sarajevo, raspisuje:

**JAVNI KONKURS**  
**za prijem kandidata u profesionalnu vojnu službu**  
**u početnom činu oficira Oružanih snaga Bosne i Hercegovine**

**I KONKURS ZA PRIJEM KANDIDATA IZ REDA BOŠNJAČKOG NARODA**  
**OBJAVLJUJE SE ZA PUKOVE I RODOVE/SLUŽBE**

R/B	Rod – služba /dužnost	Broj izvršilaca	Opšti uslovi	Posebni uslovi
1.	Pješadija	2	VSS VII stepen ili I ciklus bolonjskog sistema studiranja	
2.	Oklopno mehanizovane jedinice	1		
3.	Inžinjerija	1		tehničkog smjera
4.	Veza	1		elektrotehničke ili informatičke struke, smjer telekomunikacije ili informatika
5.	Vazdušno osmatranje i javljanje	1		elektrotehničke ili informatičke struke, smjer telekomunikacije ili informatika
6.	Sanitetska služba	1		medicinske struke, smjer opšti
7.	Veterinarska služba	1		veterinarske struke
8.	Instruktor turskog jezika	1		smjer turski jezik

**II KONKURS ZA PRIJEM KANDIDATA IZ REDA SRPSKOG NARODA**  
**OBJAVLJUJE SE ZA PUKOVE I RODOVE/SLUŽBE**

R/B	Rod – služba /dužnost	Broj izvršilaca	Opšti uslovi	Posebni uslovi
1.	Pješadija	6	VSS VII stepen ili I ciklus bolonjskog sistema studiranja	
2.	Artiljerija	3		tehničkog smjera
3.	Oklopno mehanizovane jedinice	2		

4.	Artiljerijsko raketne jedinice protiv vazdušne odbrane	1	VSS VII stepen ili I ciklus bolonjskog sistema studiranja	tehničkog smjera
5.	Inženjerija	1		tehničkog smjera
6.	Veza	2		elektrotehničke ili informatičke struke, smjer telekomunikacije ili informatika
7.	Vojno obavještajni	2		kriminalističke struke ili smjer sigurnost
8.	Služba vojne policije	1		pravne ili kriminalističke struke ili završen studijski program za osposobljavanje policijskih službenika
9.	Tehnička služba	6		mašinske struke
10.	Intendantska služba	1		ugostiteljske, prehrambene ili tekstilne struke/smjera
11.	Sanitetska služba	2		medicinske struke, smjer opšti
12.	Pravna služba	1		pravne struke
13.	Oficir za informisanje	1		smjer žurnalistika

### III KONKURS ZA PRIJEM KANDIDATA IZ REDA HRVATSKOG NARODA OBJAVLJUJE SE ZA PUKOVE I RODOVE/SLUŽBE

R/B	Rod – služba /dužnost	Broj izvršilaca	Opšti uslovi	Posebni uslovi
1.	Pješadija	6	VSS VII stepen ili I ciklus bolonjskog sistema studiranja	
2.	Artiljerija	3		tehničkog smjera
3.	Inženjerija	1		tehničkog smjera
4.	Veza	1		elektrotehničke ili informatičke struke, smjer telekomunikacije ili informatika
5.	Vazdušno osmatranje i javljanje	1		elektrotehničke ili informatičke struke, smjer telekomunikacije ili informatika
6.	Služba vojne policije	1		pravne ili kriminalističke struke ili završen studijski program za osposobljavanje policijskih službenika
7.	Vojno obavještajni	1		kriminalističke struke ili smjer sigurnost
8.	Tehnička služba	2		mašinske struke
9.	Vazduhoplovno – tehnička služba	1		mašinske struke
10.	Intendantska služba	2		ugostiteljske, prehrambene ili tekstilne struke/smjera

#### **IV OPĆI USLOVI PRIJEMA U PROFESIONALNU VOJNU SLUŽBU**

Shodno članu 9. Zakona o službi u Oružanim snagama Bosne i Hercegovine („Službeni glasnik BiH”, broj: 88/05, 53/07, 59/09, 74/10 i 42/12) i članu 13. Pravilnika o prijemu u vojnu službu („Službeni glasnik BiH”, broj: 57/14), kandidati koji apliciraju za prijem u profesionalnu vojnu službu moraju ispunjavati sljedeće opšte uslove:

- a) da su državljani Bosne i Hercegovine;
- b) da su zdravstveno sposobni za službu u Oružanim snagama BiH;
- c) da nisu osuđivani na bezuslovnu zatvorsku kaznu u trajanju dužem od 6 (šest) mjeseci;
- d) da nisu prethodno otpušteni iz državne službe ili pravnog lica zbog povrede službene dužnosti u posljednje tri godine;
- e) da im pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane;
- f) da se protiv njih ne vodi krivični postupak za krivično djelo za koje se goni po službenoj dužnosti;
- g) da imaju odgovarajuću stručnu spremu potrebnu za obavljanje određene oficirske dužnosti;
- h) da u vrijeme prijema, to jeste na dan 01.01.2017. godine, nisu stariji od 27 (dvadeset sedam) godina.
- i) da su uspješno završili osnovnu oficirsku obuku.

#### **V POSEBNI USLOVI PRIJEMA U PROFESIONALNU VOJNU SLUŽBU U POČETNOM ČINU OFICIRA**

Pored posebnih uslova obrazovanja iz I, II, i III glave konkursa, kandidati koji apliciraju za prijem u profesionalnu vojnu službu moraju ispunjavati i sljedeće posebne uslove:

- a) da su položili test fizičke spremnosti prema propisanim normama (eliminacioni prag je 60% od maksimalnog broja bodova po svakoj pojedinačnoj disciplini testa);
- b) da su položili test općeg znanja (eliminacioni prag je 60% od maksimalnog broja bodova);
- c) da su položili test engleskog jezika ALCPT (eliminacioni prag je 60% od maksimalnog broja bodova);
- d) da su položili test fizičke kondicije (biip test);

#### **VI TESTIRANJE KANDIDATA**

Kandidati će u procesu selekcije i izbora, kroz tri faze, biti podvrgnuti obaveznom testiranju i provjerama.

##### **Prva faza provjera:**

Prva faza provjere se provodi u centrima za regrutovanje i tranziciju u Sarajevu, Banjoj Luci, Čapljini i Tuzli, i obuhvata:

- test fizičke spremnosti,
- test općeg znanja i
- test engleskog jezika.

Kandidati koji ispunjavaju opće i posebne uslove i koji prilože svu potrebnu dokumentaciju, biće pravovremeno obaviješteni putem telefona i pisanog poziva o vremenu i mjestu realizacije Prve faze provjera. Testiranja u prvoj fazi traju jedan dan i u tom periodu nije osigurana ishrana kandidata. Kandidati će biti obavezni, prije pristupanja testu provjere fizičke spremnosti, potpisati izjavu o

zdravstvenoj sposobnosti. Ministarstvo odbrane BiH ne preuzima odgovornost za eventualne zdravstvene posljedice kandidata nastale u procesu provjera.

Svi kandidati koji postignu rezultate iznad eliminacionog praga se boduju i čine rang liste uspješnosti po rodovima i službama na koje su se kandidovali u okviru nacionalnih pukova. U drugu fazu provjera se upućuju po četiri prvorangirana kandidata po svakom raspisanom izvršiocu vodeći računa o polnoj zastupljenosti.

Norme za provjeru fizičke spremnosti dostupne su na službenoj internet stranici Ministarstva odbrane BiH ([www.mod.gov.ba](http://www.mod.gov.ba)).

### **Druga faza provjera:**

Druga faza provjere se realizuje u Komandi obuke i doktrine u Travniku i podrazumijeva testiranje liderskih sposobnosti kandidata kroz sljedeće vrste testova:

- test fizičke kondicije (biip test),
- psihometrijski test,
- komandne zadatke bez vođe,
- vježbe planiranja,
- grupnu diskusiju,
- esej,
- prezentaciju,
- poligon sa pojedinačnim preprekama,
- komandne zadatke sa vođom i
- timsku utrku.

U drugoj fazi provjera eliminatoran je samo test fizičke spremnosti i kondicije (biip test), dok se kod ostalih provjera boduje i zbraja uspjeh svakog kandidata na svakoj provjeri. Kandidati se na osnovu osvojenih bodova rangiraju na konačne liste uspješnosti po rodovima i službama za koje su se kandidovali u okviru nacionalnog puka. Sa konačnih rang lista uspješnosti se odabiru najbolje plasirani kandidati, shodno konkursom traženom broju izvršilaca u okviru roda i službu. Ukupno se odabire 57 (pedesetsedam) kandidata, vodeći računa o polnoj zastupljenosti i isti se upućuju u treću fazu provjera.

Provjere druge faze traju pet dana i tada je osiguran smještaj i ishrana kandidata.

### **Treća faza provjera:**

Treća faza provjera obuhvata:

- zdravstvene preglede i
- sigurnosne provjere.

Za sve kandidate koji uđu u treću fazu provjera za prijem u profesionalnu vojnu službu, Ministarstvo odbrane će organizovati zdravstvene preglede i izvršiti osnovnu sigurnosnu provjeru. U vojnu službu neće biti primljeni kandidati koji ne zadovolje na zdravstvenom pregledu i za koje se tokom osnovne sigurnosne provjere utvrdi postojanje sigurnosne smetnje iz člana 59. Zakona o zaštiti tajnih podataka Bosne i Hercegovine ("Službeni glasnik BiH", broj:54/05 i 12/09).

Umjesto kandidata koji ne zadovolje na zdravstvenom pregledu ili sigurnosnoj provjeri, na ove provjere biće upućeni sljedeći kandidati sa rang liste, vodeći računa o nacionalnoj i polnoj zastupljenosti.

Kandidati koji budu oglašeni zdravstveno sposobnim za vojnu službu i ne budu imali sigurnosnu smetnju, upućuju se na osnovnu oficirsku obuku.

Kandidati koji ne zadovolje kriterije u bilo kojoj fazi provjera i obuke ili odustanu od testiranja i obuke ili prekrše disciplinske propise i norme tokom procesa testiranja i obuke ili odbiju da potpišu Ugovor o prijemu u Oružane snage BiH biće eliminisani iz procesa izbora. O eliminaciji kandidata odlučuje Ministar odbrane BiH, na prijedlog Komisije za izbor, i o istom Komisija obavještava kandidate.

## **VII OSNOVNA OFICIRSKA OBUKA**

Osnovna oficirska obuka odvija se u centrima za obuku Oružanih snaga Bosne i Hercegovine u Pazariću i Travniku, prema posebnom planu osnovne oficirske obuke. Na osnovnoj oficirskoj obuci kandidati će biti obavezni da pristupe ulaznom testu fizičke spremnosti. Kandidatima koji na tom testu ne postignu 80% rezultata koji su postigli na provjeri fizičke spremnosti u Fazi 1, biće prekinuta obuka i neće biti primljeni u profesionalnu vojnu službu u Oružane snage BiH. Vrijeme i mjesto realizacije Osnovne oficirske obuke, kao i prava i obaveze između kandidata za prijem u profesionalnu vojnu službu i Ministarstva odbrane BiH za vrijeme obuke, regulišu se posebnim ugovorom o Osnovnoj oficirskoj obuci.

## **VIII PRIJEM U PROFESIONALNU VOJNU SLUŽBU**

Kandidati koji uspješno završe Osnovnu oficirsku obuku primaju se u OS BiH u početnom činu oficira, zaključuju sa Ministarstvom odbrane Bosne i Hercegovine Ugovor o prijemu u profesionalnu vojnu službu i postavljaju se u komande i jedinice na odgovarajuće formacijsko mjesto, prema njihovim preferencama, u okviru puka, roda odnosno službe za koju su konkurisali. Ako odgovarajuće formacijsko mjesto u puku, rodu, odnosno službi nije slobodno, kandidatu će biti ponuđena mogućnost prihvatanja drugog formacijskog mjesta unutar Oružanih snaga BiH. Ako kandidat odbije alternativno formacijsko mjesto, oslobađa se službe bez ikakvih daljnjih obaveza. Niti od jednog kandidata, po završetku Osnovne oficirske obuke, neće biti traženo da se protiv svoje volje priključi nekom puku, komandi, jedinici, rodu, odnosno službi.

## **IX PRAVA I OBAVEZE LICA KOJA BUDU PRIMLJENA U PROFESIONALNU VOJNU SLUŽBU U ORUŽANE SNAGE BOSNE I HERCEGOVINE**

Prava i obaveze lica koja budu primljena u profesionalnu vojnu službu definisana su Zakonom o odbrani Bosne i Hercegovine („Službeni glasnik BiH”, broj: 88/05) i Zakonom o službi u Oružanim snagama BiH („Službeni glasnik BiH”, broj: 88/05 , 53/07, 59/09, 74/10 i 42/12), kao i podzakonskim i drugim normativnim dokumentima Ministarstva odbrane BiH i Oružanih snaga BiH.

## **X PRAVA I OBAVEZE MINISTARSTVA ODBRANE BOSNE I HERCEGOVINE**

Ministarstvo odbrane BiH će u postupku odabira isključivati kandidate za prijem u profesionalnu vojnu službu zbog: neispunjavanja opštih i posebnih uslova konkursa, sigurnosnih smetnji, zdravstvene nesposobnosti utvrđene zdravstvenim pregledom i drugih provjera prema propisima za prijem u profesionalnu vojnu službu.

Ministarstvo odbrane BiH će jednostrano i bez naknadnih obaveza odbiti prijavu kandidatu u bilo kome trenutku u postupku prijema, ako je kandidat prikrilo smetnju (sigurnosnu, zdravstvenu ili dr.) za prijem, koja je postojala u vrijeme prijave na Javni konkurs ili ukoliko se naknadno utvrdi postojanje sigurnosne smetnje ili kandidat počini djelo koje se smatra sigurnosnom smetnjom iz člana 59. Zakona o zaštiti tajnih podataka BiH (“Službeni glasnik BiH”, broj:54/05 i 12/09).

Ministarstvo odbrane BiH će prema kandidatima koji budu primljeni u profesionalnu vojnu

službu izvršiti sve obaveze definisane Zakonom o odbrani Bosne i Hercegovine („Službeni glasnik BiH", broj: 88/05) i Zakonom o službi u Oružanim snagama BiH („Službeni glasnik BiH", broj: 88/05 , 53/07, 59/09, 74/10 i 42/12), kao i podzakonskim i drugim normativnim aktima Ministarstva odbrane BiH i Oružanih snaga BiH.

## XI OSTALO

1. Prilikom odabira kandidata za prijem u profesionalnu vojnu službu vodiće se računa o ravnopravnoj zastupljenosti spolova u skladu sa Zakonom o ravnopravnosti spolova („Službeni glasnik BiH", broj:16/03, 102/09 i 32/10).
2. Kandidati za prijem u profesionalnu vojnu službu u Oružane snage BiH biće tretirani s punim poštovanjem principa transparentnosti, pravičnosti i istih mogućnosti. Neće biti diskriminacije ni po kojem osnovu.
3. Kandidati su obavezni dostaviti sljedeću dokumentaciju:
  - a) popunjenu i potpisanu prijavu sa biografijom (obrazac se nalazi na službenoj internet stranici Ministarstva odbrane BiH [www.mod.gov.ba](http://www.mod.gov.ba));
  - b) uvjerenje o državljanstvu (ne starije od 6 mjeseci);
  - c) izvod iz matične knjige rođenih (original ili ovjerena kopija);
  - d) dokaz o prebivalištu izdat od nadležnog organa, (ne starija od 30 dana);
  - e) ovjerena kopija diplome ili uvjerenje o stečenoj stručnoj spremi ne starije od godinu dana ili dokaz o nostrifikaciji za diplome koje nisu stečene u Bosni i Hercegovini, uz utvrđen ekvivalent stručne spreme prema konkursom zahtijevanom stepenu školske spreme, koju je izdao nadležni organ u Bosni i Hercegovini;
  - f) dokaz o prestanku smetnje koja ih je eliminisala u ranijem procesu prijema u vojnu službu u OS BiH,
  - g) ovjerenu izjavu da lice nije prethodno otpušteno iz državne službe ili pravnog lica zbog povrede službene dužnosti u posljednje tri godine;

**Napomena:** Za kandidate koji su ušli u uži izbor za prijem u profesionalnu vojnu službu u Oružane snage BiH, nadležni sektor Ministarstva odbrane će naknadno, po službenoj dužnosti, utvrditi da li kandidati ispunjavaju opšte uslove, koji se odnose na činjenice iz glave IV tačka c), tačka e) i tačka f) ovog javnog konkursa.

4. Potrebne informacije i obrasce prijave kandidati mogu dobiti od centara za regrutovanje i tranziciju na sljedećim lokacijama:
  - a) Sarajevo (Kasarna „Rajlovac“), Ulica Safeta Zajke bb, tel.033/773-437;
  - b) Banja Luka (Kasarna „Kozara“), Knjaza Miloša bb, tel.051/335-886;
  - c) Čapljina (Kasarna „Božan Šimović“), Grabovina bb, tel.036/811-084;
  - d) Tuzla (Vojna baza „Aerodrom Dubrave“), tel.035/814-954;
  - e) ili preuzeti na službenoj internet stranici Ministarstva odbrane BiH ([www.mod.gov.ba](http://www.mod.gov.ba)).
5. Nakon završene konkursne procedure, u roku od 6 mjeseci, kandidati koji ne budu primljeni u profesionalnu vojnu službu mogu preuzeti dokumentaciju u centrima za regrutovanje i tranziciju na lokacijama navedenim u tački 4. glave XI ovog Javnog konkursa.
6. Nepotpune, neblagovremene i neuredne prijave, kao i kopije tražene dokumentacije koje nisu ovjerene, neće se uzeti u razmatranje. **Rok za predaju prijava sa pratećom dokumentacijom na Javni konkurs je 28 (dvadesetosam) dana od dana objavljivanja na službenoj internet stranici Ministarstva odbrane BiH.**

7. Prijave na Javni konkurs, sa propisanom dokumentacijom dostaviti preporučeno putem pošte na adresu:

**MINISTARSTVO ODBRANE BiH**  
**ORUŽANE SNAGE BiH**  
**KOMANDA ZA UPRAVLJANJE PERSONALOM**  
ul. Knjaza Miloša bb  
Kasarna „Kozara“  
78000 Banja Luka  
sa naznakom “za Javni konkurs za prijem oficira u PVS”

Broj: 10-34-1-1853-7/15  
Sarajevo, 07.09.2015. godine



**MINISTRICA**

**Marina Pendeš**